

366

AD QVOD LIBETARIAM QVÆSTIO MEDICA.

MATVTINIS CONCERTATIONIBVS AGITANDA DIE IOVISIX.
DECEMBRIS IN SCHOLIS MEDICORVM PARIS. M. IOANNE RIOLANO
MEDICO AC PROFESSORE REGIO PRÆSIDE.

An Actionis causa in vegeta.

HOMO, prudentia, & optima corporis temperie, ceteris præstantior animantibus, vt corpus naturale, duabus partibus constat, vt mixtum, quatuor elementis: vt animal sanguine præditum, quatuor humoribus, sanguine pituita, & vtraque bilis. Materia, & forma, Corpus, & Anima. Elementa: Ignis, Aqua, Aer, Terra, quæ tamen ita mixtis insunt corporibus, vt locum in eis obtineant, non secundum suas substantias, sed secundum suas qualitates. Duplex in vnoquoque elemento qualitas, vna intensa; remissa altera: Igni, summus calor: Aer, humiditas summa, cum calore minori. Aquæ, frigus intensum. Terræ, siccitas excellens debetur. Omnes istæ qualitates passivæ sunt, omnes activæ: immo duæ tantum activæ, duæ tantum passivæ. Humores (quos necessitas & semper corpus humanum continet) non tanta similitudinis societate, cum quatuor temperamentis, quatuor elementis, quatuor anni temporibus, & quatuor ætatibus coniuncti; vt nihil à se invicem dissentiant, sed medio temperamento ver, sanguis, & adolescentia consentiant. Ver & adolescentia, sanguinis: Hyems, pituitæ: Aestas, bilis: Autumnus succi melancholici plurimum gignit.

HOMO σφόν το ζωον, καὶ μόνον τῶ ὄντι γέγονον corporis fabricam non fortuna, sed admirabili naturæ industria, & arte singulari factam, in tribus præsertim à brutorum corporibus dissentaneam, obtinuit, Cerebrum amplissimum, figuram rectam, & manum instrumentum sapientiae, organum ante organa. Cum igitur forma omnium perfectissima & nobilissima exornatus in lucem venerit, corpore omnium perfectissimo & temperatissimo opus habuit. Hinc factum, vt cum illius forma variis esset functionibus secundis destinata, corpus habuerit mira partium varietate distinctum: partes, temperamento; figura, situ, magnitudine differentes, ita tamen vt nulla separatam propriamque formam sibi arrogaret. Ex hisce partibus quædam sunt similes: organicae, aliae. Ex vtriusque, nonnullæ suæ generationis causam semini; quædam sanguini referunt acceptam.

AD MIRABILIS humanæ formæ præstantia, ex eo conspicua, quod quicquid Terra in intimo sui sine recessu occultat abditissimè, & quicquid extra cælorum ambitum collocatum remotissimè, inuestiget & contempletur. Tum quod non ex potestate materiæ, sicut reliquæ, sit educta. Non est temperies ex quatuor mixtis qualitatibus orta, sed substantia quædam omnis expert materię, & diuisionis; non triplex, neque enim primum informatur foetus animæ plantæ, deinde bruti, postea hominis. Nullum certum secundum se & suas potestas locum in corpore sibi vendicat. Multas illius partes informat, sed non orantes, vt humores, spiritus, lac, semen, capillos, vngues. Ex humani corporis partibus quatuor sunt principes & ad vitam necessariæ. Cerebrum, Cor, Hepar & Testes.

ANIMA, multarum facultatum compos, frustra creata, & cum corpore tot tamque diuersis canis instructo, coniuncta esset, nisi vim suam operationum multiplici varietate manifestare redderet. Partes enim corporis non ob se ipsas, sed ob actiones suas expentur, vnde parti cuique similari, sua quædam substantia, altera mixta facultas, actio & usus. Quatuor præcipuæ facultates à principibus instrumentis deriuare, ceteris prelo sunt. Facultas animalis, in Cerebro frigido humido recludit, sed non tota, neque naturalis Hepate vniuersa. Cor ἀσπλην πρὸς ζωον, ἀπὸ τοῦ βροχίου, καὶ τοῦ ὕδατος, vitales spiritus & calorem (quem si fixeris coelestem an elementarem nihil interest) per easdem arterias quoquoersum diffundit. Hepar quatuor humoribus vno & eodem calore a se generatis, omnes corporis partes semper nutrit, semper inquam, quicquid enim viuunt, nutritione perpetua sustententur, necesse est. Cum sanguine viuunt animantia sanguinea; elata nutritionis munus præstare non possunt, Testes facultatem habent seminis prolifici: Ad proles generationem, mulieres viris frigidiore passivæ tantum concurrunt. Ex vtriusque congressu, soboles humana gignitur. Dæmon, licet potestatem habeat maximam, ab hac potestate excluditur.

EX varia calidi, frigidi, humidi & siccæ mixtura, non solum animantium, sed etiam partium alicuius tot diuersa nascuntur temperamenta: Quæ numero sunt octo. Quatuor simplicia, quatuor composita. Temperamentum, quod quidam ad pondus vocant, æquali qualitatum portione constans, è temperamentorum 20 expungendum. Omnis actio à forma, vt omnis passio à materia: Omnes actiones partibus homogeneis tribuendæ, quæ suas exercent operationes per ἰσχυρὴν πασῶν, cum cuiusque partis similis forma constituitur. Sic enim cerebrum, siue iecur, siue cor, siue ventriculus (cui sanguis, non chylus pro alimento debetur) siue aliam particulam vllam, fungi quacunque actione dicamus, propter commodam, & quæ in singulis instrumentis secundum naturam est, temperiem, si ea asserimus, ex quo fit, vt si quis partis similis actionem conseruare studeat, illius temperiem tanquam formam retinere debeat.

Ergo Actionis causa in vegeta.

ASSEREBAT CLAVDIVS CAROLVS PARISINVS. Anno Domini. 1604.

DOMINI DOCTORIS DISPVATVRI.

M. Ioannes le Mercier.
M. Michad Tourain
M. Stephanus Gorion.

M. Galienus Iseultien.
M. Petrus Coller.
M. Franciscus Blain.

M. Bartholomæus Perducii.
M. Ioannes Marine M. R.
M. Claudius Barin.

F. P.
RIOLANO